

Resumen

Asunto Richard Arends y Refineria di Aruba ta un scandal!

Loke ta pasa na Aruba na e momentonan aki no tin number. Aruba a wordo hinca den un problema serio dor di e maneho financiero di gobierno anterior pero pia ainda dor di e proyecto refineria cu a hinca Aruba den un mundo di fantasia. Promesanan grandi a wordo haci na Aruba dor di un gobierno cu mester tabata na haltura di tur e problemanan cu su partner Nicolas Maduro tabata representa. Exponentenan di AVP mester tabata sa cu nan ta pone Aruba na riesgo y si nan no tabata sa, nan mester a tende di tur e advertencianan cu tabata alcansa nan. Ora revisa documentonan di 2016 pa yega 2019, hopi pregunta ta bini dilanti. Awe e pregunta mas grandi ta bini dilanti cu ta e pregunta relaciona cu nombramento di Richard Arends como miembro di gerencia di Refineria di

Aruba pero tambe como Ministro.

Loke ta pasa na e momentonan aki no tin number. Richard Arends ta wordo nombra dor di su partido, cu el a yuda den e negociacionnan di Citgo como miembro di gerencia di Refineria di Aruba.

E ta bira Director Huridico y Financiero di e compania Refineria di Aruba pa cual e gobierno di Aruba ta dicidi. Algun dia despues Otmar Oduber ta baha como Ministro y e partido cu a nombra Richard Arends como director di Refineria di Aruba, ta dicidi cu e ta bira Ministro. Mike de Meza, cu ta wordo yama dor di Mike Eman, e genio tras di e proyecto Citgo, ta firma un acuerdo cu Richard Arends cu e por keda cu e puesto cu el a haya na Refineria di Aruba mientras e ta Ministro pero e por traha como Ministro tambe. Un



areglo dificil pa cualkier hende den pueblo cu no ta politico comprende, pero e tabata posibel. Eleccion ta bini y Richard Arends no por bira Ministro atrobe. E ta bay Parlamento, caminda awor e mester dicidi kico ta e actitud di representacion di pueblo riba Citgo, cu ta rementa y fracasa. Pues Richard Arends mester dicidi como miembro di Parlamento, na number di pueblo di Aruba, kico ta pasa cu Refineria di Aruba di cual e ta Director.

Ta surgi e prome pregunta. Richard Arends no tabata

sa cu Otmar Oduber por a baha como Ministro? Tabata tin tension den AVP basta dia prome cu Otmar Oduber a baha como Ministro. Ora Richard Arends a firma e contracto cu Refineria di Aruba, propiedad di Aruba y den cual Gobierno ta nombra hende, e no tabata sa cu e tabata candidato pa ministro di Otmar Oduber retira?

Di kico Aruba ta papia ainda? Di democracia of di otro scandal di marca mayor? Eleccion ta bini cu e proyecto Citgo den problema. Richard Arends

mester defende interes di Aruba. AVP ta perde eleccion di 2017 y Richard Arends ta drenta Parlamento. Awor e mester defende interes di Aruba cu a keda sin Citgo, cu tabata motibo pa institui refineria di Aruba cu ta su doño di trabou.

Pueblo no sa nada di loke a keda regla entre AVP y AVP. Otro scop di AVP cu a laga Aruba bancarota cu un proyecto fantasma cu tur rapport di experto a pone na duda. Durante siman pasa berdad di loke a wordo regla entre AVP y AVP a bini na claridad. Pero nada a pasa. Leynan cu ta cuminsa den e sistema electoral a basha abou. Abuso ta e palabra pa cualifica loke a pasa. Abuso di poder y contra un pueblo cu ta vota pa un miembro di Parlamento busca su interes den un compania di pueblo, di cual e miembro di Parlamento ta director!